



«ТАСДИҚЛАЙМАН»

Сирдарё вилоят статистика
бошқармаси бошлиғи

Б.А.Батыров

» декабрь 2020 йил

Сирдарё вилояти статистика бошқармасининг Ижтимоий соҳа статистикаси бўлими НИЗОМИ

I. Умумий қоидалар

1. Ушбу Низом Ўзбекистон Республикасининг 2002 йил 12 декабрдаги “Давлат статистикаси тўғрисида”ги Қонуни ҳамда Ўзбекистон Республикаси Президентининг 2017 йил 31 июлдаги “Ўзбекистон Республикаси Давлат статистика кўмитаси фаолиятини такомиллаштириш чора-тадбирлари тўғрисида”ги ПҚ-3165-сон қарори ҳамда Ўзбекистон Республикаси Давлат статистика кўмитаси қабул қилган бошқа меъёрий ҳужжатлари асосида ишлаб чиқилди.

2. Ижтимоий соҳа статистикаси бўлими Сирдарё вилоят статистика бошқармасининг таркибий бўлинмаси ҳисобланади ва бошқарма бошлиғи раҳбарлигида фаолият кўрсатади.

3. Ижтимоий соҳа статистикаси бўлими Ўзбекистон Республикаси Конституцияси, Ўзбекистон Республикаси қонунлари, Олий Мажлис қарорлари, Ўзбекистон Республикаси Президентининг қарор ва фармонлари, Ўзбекистон Республикаси Вазирлар Маҳкамасининг қарор ва фармойишлари, Давлат статистика кўмитасининг буйруқлари, вилоят статистика бошқармасининг буйруқлари ва белгиланган тартибда тасдиқланган йўриқнома ва меъёрий ҳужжатларга амал қилган ҳолда иш тутади.

4. Бўлим юридик шахс мақомига эга эмас.

II. Бўлимнинг асосий вазифалари

5. Ижтимоий соҳа статистикаси бўлимининг асосий фаолияти қуйидаги вазифаларни ҳал этишга йўналтирилади:

- замонавий статистика стандартларига жавоб берадиган самарали статистика тизимини таъминлайди;

- давлат статистикаси соҳасида мувофиқлаштириб бориш ва функционал тартибга солишни амалга оширади;

- вилоятнинг иқтисодий ва ижтимоий жараёнларини ҳар томонлама характерловчи статистика ва ҳисобот кўрсаткичларнинг тезкорлиги, ишончлилиги, ҳолислиги, изчиллигини таъминлайди;

- статистика ахборотининг қулайлиги, аниқлиги ва ошқоралигини кенгайтириш ишларини амалга оширади;

- статистика ишларини ташкил этишнинг статистика ахборотини йиғиш, қайта ишлаш ва умумлаштириш тартибига ҳар қандай аралашини истисно қилувчи тизимини таъминлайди;

- вилоят бўйича ижтимоий-иқтисодий ҳодисалар ва жараёнлар тўғрисида статистика ахборотларини йиғиш, қайта ишлаш, тўплаш, сақлаш, умумлаштириш, таҳлил қилиш ва эълон қилишни амалга оширади;

- вилоят ҳудудлари ва тармоқларида иқтисодий ва ижтимоий ривожлантириш дастурлари, ижтимоий-иқтисодий масалалар юзасидан Олий Мажлис қарорларининг, Ўзбекистон Республикаси Президенти қарор ва фармонларининг, Вазирлар Маҳкамасини қарорлари ва фармойишлари бажариш мақсадида статистика кузатувларини амалга оширади;

- Давлат органлари ва фуқароларнинг ўзини ўзи бошқариш органларини, юридик шахсларни, давлат муассасаларини ва халқаро ташкилотларни ҳамда жамоатчиликни статистик ахборот билан белгиланган тартибда таъминлайди;

- статистика органлари замонавийлаштириш ҳамда статистика ахборотини тезкорлик билан узатиш, статистика бўйича ягона ахборот тизимини янада ривожлантириш, унинг вилоятдаги бошқа ахборот тизимлари билан ўзаро мувофиқлиги ва боғлиқлигини таъминлайди;

- статистика ахборот ресурсларининг ҳавфсизлигини таъминлаш ва ахборот-ҳисоблаш тизимини руҳсатсиз фойдаланишдан ҳимоя қилади;

- статистика органлари кадрларининг малакасини изчил асосда оширишни таъминлайди;

- хўжалик шартномалари асосида корхоналар ва ташкилотларга ахборот-ҳисоблаш хизматлари кўрсатишга доир статистик ва бошқа ишларни бажаради;

- ҳудудий ва иқтисодий тармоқларида юзага келаётган тенденциялар фактор ва сабабларини очувчи ҳисобот давридаги статистик таҳлил усуллари куллаган ҳолда таҳлил материаллари, ёзувлари ва маърузаларини тайёрлаш ва уларга давлат ҳокимияти ва бошқаруви органлари ҳамда хўжалик бошқаруви органларига тақдим этиш;

- иқтисодий тармоқлари, ижтимоий соҳа ва ҳудудларни ривожлантириш Давлат дастурлари бажарилишининг бориши тўғрисида таҳлилий ёзувларни тайёрлаш ва уларни маъсул ижрочиларга тақдим этиш;

- иқтисодий ва ижтимоий соҳанинг долзарб масалалари бўйича прессрелиз ҳамда мақолаларни, шунингдек ҳисобот даврида республиканинг ижтимоий-иқтисодий ривожланишини характерловчи статистик маълумотларни тайёрлаш ва оммавий ахборот воситаларида эълон қилиш;

- ҳисобот даврида республика ва унинг ҳудудларини ижтимоий-иқтисодий ривожлантириш кўрсаткичларини бошқарманинг расмий веб-сайтига жойлаштириш;

- статистика бошқармасининг расмий веб-сайти ва кўрсатилаётган интерактив хизматлар мазмунидан қониқиш ҳосил қилганлиги ҳусусида статистика маълумотларидан фойдаланувчилар орасида мунтазам равишда сўровлар ўтказиш;

- ишончли давлат статистик ҳисоботларни хўжалик юритувчи субъектларга тақдим этиш бўйича улар билан ҳар томонлама ҳамкорлик қилиш, статистик маълумотларни тақдим этиш соҳасида ҳуқуқбузарликлар профилактикаси ва ҳуқуқий маданиятни оширишнинг ишлайдиган механизмларини ишлаб чиқиш;

- статистик маълумотларни йиғиш, қайта ишлаш, узатиш ва тарқатишнинг замонавий ахборот коммуникация технологияларини кенг татбиқ қилиш.

6. Бўлим қонун ҳужжатларига мувофиқ бошқа вазифаларни ҳам амалга оширади.

III. Бўлимнинг асосий функциялари

7. Ижтимоий соҳа статистикаси бўлими ўз зиммасига юкланган вазифаларига мувофиқ қуйидаги функцияларни бажаради:

- давлат статистика принципларига риоя этилишини таъминлайди;

- статистика ишларининг кўп йиллик ва йиллик дастурларининг бажарилишини таъминлайди;

- статистика кузатувлари дастурларининг самарали амалга оширилишини, статистика ахборотларини қайта ишлаш, тўплаш, таҳлил қилиш, сақлаш ва тарқатишни таъминлайди;

- давлат статистика ҳисоботи шакллари ва уларни тўлдиришга доир йўриқномаларни доимий ўрганиб боради ва белгиланган тартибда уларни такомиллаштириш юзасидан таклифлар тайёрлайди;

- белгиланган тартибда муҳим ижтимоий-иқтисодий муаммолар бўйича мониторингни ташкил қилади ва амалга оширади;

- уй хўжаликлари ўрнини амалга оширади;

- вилоят ҳудудлари ва тармоқларида рўй бераётган ижтимоий-иқтисодий жараёнларни комплекс таҳлил қилиш учун статистика кўрсаткичларининг ахборот тизимини таъминлайди;

- вилоятда иқтисодий ислохотларнинг боришини, инвестиция ва истеъмол товарлари ва хизматлари конъюктурасини, демографик жараёнларини, меҳнат ресурслари динамикаси ва таркибини, ижтимоий гуруҳлар ва даромаддорлик гуруҳлари бўйича аҳоли турмушининг моддий таъминланганлиги даражасини, ижтимоий соҳа ҳуқуқий тартибот ва экологиянинг аҳволини, иқтисодиёт секторлари ва тармоқлари фаолият кўрсатиши динамикасини, статистика кузатувларини амалга оширади;

- вилоятдаги энг муҳим иқтисодий ва ижтимоий жараёнлар ва ходисаларнинг дастлабки статистик таҳлилин амалга оширади;

- статистик фаолият, шу жумладан давлат ахборот тизимлари ва ресурсларини юритиш масалалари бўйича норматив-ҳуқуқий ҳужжатлар лойиҳаларини ишлаб чиқишда белгиланган тартибда таклифлар тайёрлайди;

- статистика кузатувлари ва расмий статистика ахборот-тушунтириш ишларини амалга оширади;

- миллий қонун ҳужжатларига ва тавсияномаларга мувофиқ статистика маълумотларининг махфийлигини таъминлайди;

- маълумотларни тайёрлаш методларини, тартибини ва сифатини такомиллаштириш негизида барча фойдаланувчиларга очиқ статистика ахборотини тарқатади ва уларни фойдаланиш учун тенг шароитлар билан таъминлайди.

8. Бўлим қонун ҳужжатларига мувофиқ бошқа функцияларни ҳам бажаради.

IV. Бўлимнинг ҳуқуқ ва мажбуриятлари

9. Бўлим қуйидаги ҳуқуқларга эга:

- давлат ва хўжалик бошқаруви органларидан, фуқароларнинг ўзини ўзи бошқариш органларидан, банклардан, бошқа юридик шахслардан (зарур ҳолларда уларнинг ваколатхоналари ва филиалларидан) давлат статистика ҳисоботларини олиш ҳамда улардан статистика мақсадларида фойдаланади;

- юридик ва жисмоний шахслар, шу жумладан яқка тартибдаги тадбиркорлар фаолиятининг давлат статистика кузатувларини ўтказиш ва олинган маълумотлардан статистика мақсадларида фойдаланади;

- давлат ва хўжалик бошқаруви органларидан, давлат статистика ишларини олиб бориш учун зарур бўлган маълумотларни (уларни тайёрлашнинг ҳар қандай босқичида), шунингдек уларга илова қилинадиган тушунтиришларни сўраш ва олиш;

- олинаётган давлат статистика маълумотларининг тўлиқлиги, ҳолислиги ва ишончлилигини экспертизадан ўтказиш;

- статистика ахборотлари ва статистика маълумотларининг нотўғри фойдаланилиши ва талқин қилиниши ҳолларини тушунтириш;

- амалдаги қонун ҳужжатларига мувофиқ Давлат статистикаси соҳасидаги Ўзбекистон Республикаси Қонун ҳужжатларининг барча юридик шахслар ва яқка тартибдаги тадбиркорлар томонидан бажарилиши устидан назоратни амалдаги қонун ҳужжатларига мувофиқ амалга ошириш;

- олинаётган статистика маълумотларининг тўлиқлиги, ишончлиги ва ҳолислигини экспертизадан ўтказиш;

- давлат статистика маълумотларида қоида бузарликлар аниқланган тақдирда, уларни бартараф этиш ҳақида кўрсатмалар бериш ҳамда жамланма давлат статистика маълумотларига тегишли тузатишлар киритиш;

- юридик шахслар ва яқка тартибдаги тадбиркорларни давлат рўйхатидан ўтказишни амалга ошириувчи органлардан корхона ва ташкилотларнинг ягона давлат регистрини юритиш учун зарур маълумотларни олиш;

- давлат органлари, юридик шахслар, уларнинг ваколатхоналари ва филиаллари, статистика маълумотлари дақдим этувчи яқка тартибдаги тадбиркорлар томонидан

бажарилиши мажбурий бўлган меъёрий ҳужжатларнинг бажарилишини белгиланган тартибда талаб қилиш;

- давлат статистика кузатувлари методологияси ва уларни ташкил этиш, шунингдек расмий статистика ахбороти билан боғлиқ масалалар бўйича ахборот-тушунтириш ишларини амалга ошириш;

- олинаётган статистика маълумотларининг тўлиқлиги, ишончлиги ва ҳолислигини экспертизадан ўтказиш;

- вилоят ҳудудидаги муассасалар ва ташкилотларда статистика маълумотларининг ишончлиги ва тўлиқлигини белгиланган тартибда текшириш;

- статистик ҳисобот кўрсаткичларида бузилишлар аниқланган тақдирда уларни бартараф этиш тўғрисида кўрсатмалар бериш ва статистика маълумотларига тегишли тузатишлар киритиш;

- статистика маълумотларини тақдим этиш тартиби интизомининг бузилишига йўл қўйган ҳамда яширин ва ноқонуний ишлаб чиқаришни, пул маблағларининг банкдан ташқари айланишини яширишга ва корхоналар фаолиятини ҳолисона баҳоланишнинг бузилишига сабаб бўладиган, унинг муассислари ва акциядорлари манфаатларига зарар келтирадиган нотўғри статистика маълумотларини қасдан тақдим этган шахсларга нисбатан Ўзбекистон Республикаси Қонун ҳужжатларига мувофиқ маъмурий ҳуқуқбузарликлар тўғрисида баённомаларни расмийлаштириш;

- статистика ҳисоботини қасдан нотўғри тақдим этган ҳолда қўпол қонун бузилишига йўл қўйган шахсларни қонунчиликка мувофиқ маъмурий ва жиноий жавобгарликка тортиш юзасидан белгиланган тартибда таклифлар киритиш.

10. Бўлим ўзига тегишли вазифалар доирасида статистика соҳасида белгиланган ягона сийёсатнинг самарали амалга оширилиши учун жавоб беради.

11. Бўлим ходимлари Ўзбекистон Республикаси «Давлат статистикаси тўғрисида»ги қонуни талабларини бузганлик учун, ёхуд мазкур қонун бузилишларига кўмаклашганлик учун Қонунга мувофиқ маъмурий ва жиноий жавобгарликка тортилади.

12. Бўлимга берилган топшириқларни ўз вақтида ва сифатли бажарилиши, меҳнат интизомининг ҳолати ҳамда ўзига бириктирилган бошқа вазифаларни бажарилиши устидан маъсулдир.

13. Бўлим қонун ҳужжатларига мувофиқ бошқа ҳуқуқларга ҳам эга бўлиши ва мажбуриятларни бажариши мумкин.

V. Бўлимнинг ташкилий ва функционал структураси

14. Бўлим низоми ва лавозимлар йўриқномаси бошқарма бошлиғи томонидан тасдиқланади.

15. Бўлимни мазкур низом асосида бўлим бошлиғи бошқаради.

16. Бўлим бошлиғи эгаллаб турган лавозимга бошқарма бошлиғи томонидан тайинланади ва озод этилади.

17. Бўлимнинг иш режаси ва иш ҳисоботи, бошқарма бошлиғи томонидан тасдиқланади.

18. Бўлим штатлари сони ва иш ҳақи миқдори вилоят статистика бошқармаси штат жадвали асосида белгиланади.